

अथ द्वादशोऽध्यायः

बाह्रमाँ भक्तियोग अब्दुग्याय

अर्जुन उवाच

एवं सततयुक्ता ये, भक्तास्त्वां पर्युपासते।
ये चाप्यक्षरमव्यक्तं, तेषां के योगवित्तमाः॥ १

अर्जन बोल्ल्या

(कोण भगत सँ सब तँ आच्छे)

न्यूँ इस तहियाँ जो लाग्गे रहँदे, सदा भगत सँ करदे तेरी।
सेवा किरसण, अर अविकारी, इन्द्रिय जिस नै व्यक्त करँ नाँ॥
उस की सेवा करदे जो सँ, इन मैं सँ कोण योग नै जो।
जाणनियाँ मैं उत्तम हों सँ?॥ १

श्रीभगवानुवाच

मय्यावेश्य मनो ये मां, नित्ययुक्ता उपासते।
श्रद्धया परयोपेतास्, ते मे युक्ततमा मताः॥ २

श्रीभगवान् बोले

(मेरें मैं ए लाग्गे रहँदे, सब तँ आच्छे लाग्गे मत्रै)

मुझ बिस्वरूप मैं ला मन नै, मेरी खात्तर कर्म करण मैं।
लाग्गे रहँदे सदा, करँ सँ, मेरी भक्ती नो तहियाँ मैं।
किससै तहियाँ परम भाव तँ, सर्धा तँ भर केँ जो सँ वँ।
सब तँ आच्छे लाग्गे मुझ मैं, भगत इसे वँ मत्रै लाग्गे॥ २

ये त्वक्षरमनिर्देश्यमव्यक्तं पर्युपासते।

सर्वत्रगमचिन्त्यं च, कूटस्थमचलं ध्रुवम्॥ ३

जो तो सै अविकारी, जिस नै, कोए सबद बता नाँ पावै।
प्रगट न जो सै किससै तहियाँ, कर्म ग्यान की इन्द्री सारी॥
परगट जिस नै नाँ कर पान्दी, सब जाग्घाँ काळाँ चीजाँ मैं।

व्याप्या जो सै अर जिस नै नाँ, मन बी सोच सकै सै, जो सै॥
'कूट' वस्तु जो दीक्खै किम्मै, हो नाँ वो, पर सै छळ माया।
उस मैं स्थित सै स्वामी उस का, 'कूट' ढेर-सा लोन्दा, जिस का॥
आकार विकार किमे नाँ हो, उस की तहियाँ अविकारी स्थित।
'अचल' न हाल्लै निज स्वरूप तँ, 'ध्रुव' नित्य सदा स्थिर जो रहँदा॥
इस तहियाँ कै निर्गुण तत नै, निज रूप समझ उस मैं स्थित हों।
तन्मय हो ज्याँ अर नाँ देखै, आत्मभाव तँ भिन्न किमे जो॥ ३

संनियम्येन्द्रियग्रामं, सर्वत्र समबुद्धयः।

ते प्राप्नुवन्ति मामेव, सर्वभूतहिते रताः॥ ४

(वँ पावँ सँ मत्रै)

आच्छी तहियाँ काब्बू कर केँ, इन्द्री सारी आप्णी सब मैं।
सब नै एक जिसा जो समझँ, वँ पावँ मत्रै ए माणस।
भला सभी का करणै मैं खुस, सब भूत्ताँ कै हित मैं लाग्गे॥ ४

क्लेशोऽधिकतरस्तेषामव्यक्तासक्तचेतसाम् ।

अव्यक्ता हि गतिर्दुःखं, देहवद्विरवाप्यते॥ ५

फळ की इच्छा त्याग करम सै, ईस्वर-अर्पित करणा मुस्कल।
इस तँ मुस्कल मारग उन का, ब्रह्म अतीन्द्रिय मैं मन बाँधँ।
अव्यक्त अतीन्द्रिय गति पाणा, मुस्कल सै देहधारियाँ नै॥ ५

ये तु सर्वाणि कर्माणि, मयि संन्यस्य मत्पराः।

अनन्येनैव योगेन, मां ध्यायन्त उपासते॥ ६

जो तो सब काम्माँ नै मेरें, ऊप्पर छोडुँ कर केँ अर्पित।
मत्रै ए 'पर' सब तँ ऊप्पर, लक्स्य समझदे मेरें आस्रित॥
ओर किसै का आस्रै नाँ ले, मन नै काब्बू मैं कर मेरा।
चिन्तन करदे मुझ मैं बैटुँ, मेरी भक्ती सँ वँ करदे॥ ६

तेषामहं समुद्धर्ता, मृत्युसंसारसागरात्।

भवामि नचिरात् पार्थ, मय्यावेशितचेतसाम्॥ ७

जिन नै मुझ मैं चित्त लगाया, उन का मैं उद्धार करणियाँ।
होऊँ सूँ अर देरी नाँ कर, जित कूदण तँ मरणा पक्का।

उस भवसागर तँ पिरथासुत ॥ ७

मय्येव मन आधत्स्व, मयि बुद्धिं निवेशय।
निवसिष्यसि मय्येव, अत ऊर्ध्वं न संशयः ॥ ८

(मेरै मैं तँ मन नै ला ले)

मेरै मैं ए मन नै ला ले, मेरै मैं बुद्धि टिका ले तँ।
वास करैगा मेरै मैं ए, तन छुट्यै पाच्छै, नाँ साँसा ॥ ८

अथ चित्तं समाधातुं, न शक्नोषि मयि स्थिरम्।

अभ्यासयोगेन ततो, मामिच्छातुं धनंजय ॥ ९

जै मन एकाग्र नहीं तँ कर, सकदा मेरै मैं थिर अर्जन।
मन नै फिर-फिर एक ततव पै, एकाग्र करण तँ उस तँ तँ।
मत्रै इच्छा कर पाणै की, दुस्मन का धन जीतणिये रै ॥ ९

अभ्यासेऽप्यसमर्थोऽसि, मत्कर्मपरमो भव।

मदर्थमपि कर्माणि, कुर्वन्सिद्धिमवाप्स्यसि ॥ १०

कर कै आणी इन्द्री बस मैं, मन नै बी एकाग्र करण का।
अभ्यास बी नहीं कर सकदा, मेरै तई कर्म करणियाँ बण।
मेरै खात्तर बी करमाँ नै, करदा सिद्धी पावैगा तँ ॥ १०

अथैतदप्यशक्तोऽसि, कर्तुं मद्योगमाश्रितः।

सर्वकर्मफलत्यागं, ततः कुरु यतात्मवान् ॥ ११

जै यो बी नाँ कर सकदा ले, मेरै कर्मयोग का आस्रै।
सब कर्माँ कै फळ तँ तज दे, हो काबू मैं आप्पै आळा ॥ ११

श्रेयो हि ज्ञानमभ्यासाज्, ज्ञानाद् ध्यानं विशिष्यते।

ध्यानात् कर्मफलत्यागस्, त्यागाच्छान्तिरनन्तरम् ॥ १२

आच्छा सै जो गरु तँ सुण कै, मन तँ उस पै चिन्तन कर अर।
बिसै समझ मैं आवै सै वो, समझ्यै बिन अभ्यास कर्यै तँ ॥

अर ग्यान तँ सै ध्यान बढ कै, 'निदिध्यासन' सै नाम जिस का।
कर्मफळाँ का त्याग ध्यान तँ, कर्मफळाँ नै छोड्यै पाच्छै।
हो सै स्यान्ती बिना देर वा ॥ १२

अद्वेष्टा सर्वभूतानां, मैत्रः करुण एव च।

निर्ममो निरहंकारः, समदुःखसुखः क्षमी ॥ १३

(मनै प्यारे इकताळीस भगत)

नाँ द्वेस करै सब भूताँ तँ, प्रेम करणियाँ मित्तर हितकर।
दया-मया बी सब पै रखदा, मेरा-तेरा, मैं-मैं बी नाँ।
करदा माणस सुख मैं दुख मैं, रहै एक-सा सहण करणियाँ ॥ १३

संतुष्टः सततं योगी, यतात्मा दृढनिश्चयः।

मय्यर्पितमनोबुद्धिर्, यो मद्भक्तः स मे प्रियः ॥ १४

दुनियादारी चाल्लण खात्तर, जो बी मिल ज्या, या नाँ मिल ज्या।
आच्छा, भूण्डा जो बी मिल ज्या, 'भोत मिल्या', यो मान रहै खुस ॥
सदा चित्त नै साद्धे राक्खै, काबू मैं राक्खै आप्पै नै।
मजबूत इराद्याँ आळा हो, मत्रै साँप्यै मन बुद्धी जो।
भगत इसा वो मत्रै प्रिय सै ॥ १४

यस्मान्नोद्विजते लोको, लोकान्नोद्विजते च यः।

हर्षामर्षभयोद्वेगैर्, मुक्तो यः स च मे प्रियः ॥ १५

जिस तँ नाँ ऊब्यै दुनियाँ, दुनियाँ तँ नाँ ऊब्यै अर जो।
खुसियाँ जो मनभावन पा हौं, इस्टलाभ मैं बाधा पा कै ॥
मनभाया अर नाँ मिलणै पै, सह नाँ पा कै छोः मैं आवै।
डर उभ-चुभ ऊब, सबै तँ, छूट्या सै, वो मेरा प्रिय ॥ १५

अनपेक्षः शुचिर्दक्ष, उदासीनो गतव्यथः।

सर्वारम्भपरित्यागी, यो मद्भक्तः स मे प्रियः ॥ १६

पाणाँ जिस तँ, करणाँ जिस नै, उस की उस तँ बाट न देक्खै।
तन मन सुथरे साफ रखै जो, वाणी सुची हितकर बोळै ॥

लेणै-देणै, ब्योहारों मैं, आपणै हित की, हानि लाभ की।
चिन्ता नाँ कर काय्दै तँ जो, चाल्लै सै वो माणस सुच्चा।।
२१'दक्ष' चतुर अर उत्साही हो, २२'ब्योहारों तँ ऊप्पर अर हो।
ल्लिहसदा नाँ दुनियाँदारी मैं, ऊप्पर हो देक्खै दुनियाँ नै।।
२३'डर व्याकुलता जिस कै नाँ हों, २४'सब इस अर परली दुनियाँ के।
फळ देणाळे करम छोड़दा, भक्त इसा जो मेरा होवै।
लागै मन्नै प्यारा वो सै।। १६

यो न हृष्यति न द्वेष्टि, न शोचति न काङ्क्षति।

शुभाशुभपरित्यागी, भक्तिमान् यः स मे प्रियः।। १७

२५'जो नाँ खुस हो किम्मे पा कै, २६'बुरा न चीतै उन का बी जो।
बुरा करै सँ बिन कारण बी, २७'सोक करै नाँ इस्टहानि मैं।।
२८'नाँ चाहै उस पाः जो नाँ हो, २९'मङ्गल और अमङ्गल दृस्टी।
पुण्य-पाप नै, असुभ सुभाँ नै, छोड्डै माणस, मन मैं नाँ रख।
भक्ती राक्खै मुझ मैं जो सै, वो सै माणस मन्नै प्यारा।। १७

समः शत्रौ च मित्रे च, तथा मानापमानयोः।

शीतोष्णसुखदुःखेषु, समः सङ्गविवर्जितः।। १८

३०'एक जिसा हो शत्रु मित्र मैं, ३१'आदर और अनादर मैं बी।
३२'सर्दी गर्मी, सुख दुःखाँ मैं, एक जिसा, ३३'आसक्ति रखै नाँ।। १८

तुल्यनिन्दास्तुतिर्मौनी, संतुष्टो येन केनचित्।

अनिकेतः स्थिरमतिर्, भक्तिमान् मे प्रियो नरः।। १९

३४'एक जिसा हो ताक्खड़ियाँ कै, पलड्याँ-सा निज निन्दा स्तुति मैं।
३५'ओर किसै की निन्दा-स्तुति मैं, धारै मौन, न बोल्लै सोचै।।
३६'भोत मान कै खुस जो रहँदा, मिल ज्या जो कुछ, उस मैं अर्जन।
३७'मान्नै नाँ घर आण्णा कोए, डेरा एक जघाँ नाँ डाल्लै।।
३८'थिर अविचळ बुद्धी आळा, टिक कै भक्ति करै जो मेरी।
मेरा प्रिय वो माणस हो सै, मेरा प्रिय वो माणस हो सै।। १९

ये तु धर्म्यामृतमिदं, यथोक्तं पर्युपासते।
श्रद्धाना मत्परमा, भक्तास्तेऽतीव मे प्रियाः।। २०

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे
श्रीकृष्णार्जुनसंवादे भक्तियोगो नाम द्वादशोऽध्यायः।। १२।।

(भगवान् नै भोतै प्यारे भगत)

३९'दुनियाँ नै जो धारण करदे, दुनियाँ जिन तँ टिकी रहै सै।
इस तहियाँ के कर्तब सारे, अर्थ काम नै सम जो रखदे।।
देस काल अर व्यस्टि समस्टी, सब का हित जो साद्धै राक्खै।
धर्म कुहावै धारण कारण, उस तँ जो यो दूर नहीं सै।।
इमरत-सा दुख-दर्द मिटावै, पळ-पळ देक्खै राह खड़ी जो।
उस मृत्यू तँ जो छुटवावै, इस तहियाँ का मन्नै बोल्ल्या।।
इस कै धोरै जो आ बैट्टै, ४०'सद्धा रखदे इस मैं आण्णी।
करै आचरण इस बोल्ल्यै का, ४१'मन्नै ए पर लक्स्य गिणै वैं।।
भगत भोत सँ मन्नै प्यारे, सँ वैं मन्नै, भोत्ते प्यारे।
भोत्ते प्यारे, प्यारे, प्यारे, प्यारे अर्जन, भोत्ते प्यारे।। २०

श्रीमती सीतादेब्बी अर श्रीश्रीनिवास सास्त्री कै बेट्टै सिवनारायण
सास्त्री कै हरियाणी भास्सा कै गीतायन काब्ब्यभास्स्य मैं
बाह्रमाँ अद्ध्याय पूरा होया।। १२।।

पूर्वसलोकयोग ४६९ + २० = ४८९